

rem attulit miseris hominibus. Verūtamen eius executio plena in aliud tempus dilata fuit. Dum hæc Ratisbonæ geruntur, Guilielmus princeps Cliuensis, quum implacatum haberet Cæsarem ob Geldriæ possessionem, clām in Galliam proficiscitur. Quò cum venisset sub exitum Aprilis, Rex non secus atque filium parens complexus est. ac tum cœptum est agi de eius cōjugio cum Ioanna, Regis è Margarita sorore, Regina Nauarræ, nepte, circiter vndecim annorum puella, longè omnium totius Galliæ ditissima, & forma cumprimis eleganti, & optimis formata moribus. Itaque sub Idus Iunii mensis peraguntur nuptiæ. Aliquot pōst diebus, domum Cliuensis rediit, in Galliis relicta coniuge sponsa, quam apud se remanere mater voluit, donec esset tēpestiua viro. Priusquam in Galliam veniret Cliuensis, Amiralium, de quo suprà diximus, Rex liberari, domumque proficisci, Maio deinde mense iubet ad se venire, & perhumaniter acceptū, pristinę dignitati restituit, & tāquā ab inferis in lucem reuocauit: & nouo prorsus appetitum inaudito exēplo, sententiā à lectis simis latā & summis quidē iudicib⁹, irritā fecit: partī odio Cōnestablii, vt creditur, partim intercessione Stāpiānē dominę, q̄ recenti fuit

Amiralio cōiuncta necessitudine p̄ affinitatē.

LIBER X I I I .

S Vb finem Aprilis inchoatū fuit colloquiū,

Aeta collo
qui Ratis
bone.

Eccius autem erat impatiens atque moro-

sus, nam & librum fastidiebat, & socios collegas minimè probabat: & aliquantò pōst in febrem incidit, ita quidem vt interesse non posset. adibant eum tamen socii, dēque rebus omnibus conferebant. Exhibitivero libri loca quādam de cōmuni consensu per colloquium fuerunt emendata, de quibusdam conueniri non potuit, de Ecclesia eiūsque potestate, de Sacramento corporis & sanguinis Christi, de peccatorum enumeratione, de satisfactione, de vnitate & ordine Ministrorum Ecclesiae, de Sanctis, de Missa, de vsu integri Sacramenti, de cōlibatu. Redditus itaq; Cæsari fuit liber, sic vt erat emendatus. Cæsar & studium illorum laudat, & gratum habet: & si fortè res deinceps ita poscat, vt consimilem diligentiam atque voluntatem adferant, hortatur. Octaua deinde Iunii die in confessu Principū & ordinum refert, quid actum, & quousq; sit facta progresio: collocutores egisse rem diligēter, & conciliasse multa, nec illa quidem leuia, doctrinæ capita. De cæteris verò, quæ nondū conciliata sint, Protestantum theologos, quid sentiant, aperuisse. Pōst vtrunque scriptum illis exhibet, & vt quamprimum deliberent, mentémque suam in vtroque demonstrent, ad hæc vt despiciant quomodo status reipublicæ, tam ciuilis quām Ecclesiasticus emendari debeat, petit. Senatus Principum magna sui parte constat ex Episco-

pis. Itaque vicit corum numerus, qui & librū
à Cesare propositum, & actionem omnem col-
loquii reiiciebant. Quum autem Electores &
alii nonnulli Principes non assentirentur, con-
ceptum fuit aliud scriptum, & oblatum Cæsa-
ri: quem in eo monent, ut tanquam aduocatus
& defensor ecclesiæ, rem omnem cum legato
Pontificio communicet. Facit id Cæsar: & ut
reipublicæ status, imprimis autem ecclesiæ re-
formetur, instat. Legatus ad ea respondet, sibi
videri cōsultum, ne de cæteris rebus omni-
bus quicquam decernatur amplius: verūm vt
ad Pontificem omnis referatur actio, qui sanè
per Cōcilium publicum, vel quanuis aliam ra-
tionem temporis accommodatam, sit facturus
in hac cōtrouersia, quod toti reipublicæ, cum
primis autem Germanię, prosit. Deinde, quò
reformationis etiam videretur cupidus, Epi-
scopos omnes ad se domum euocat, & ita se
comparent hortatur, ne vel minimam suspi-
cionem ambitionis præbeant, vt omnem lu-
xum & quicquid omnino mali sit exempli de-
fugiant, vt habitent in locis frequentioribus,
& prouideant, ne morbus ille, qui iam per
Germaniam grassatur, sensim obrepat. Vtile
quoque fore dicit, si quibus in locis Episcopi
non habitant, ipsi fideles habeant ibi mini-
stros & emissarios, è quibus omnia cognos-
cant: & si forte satanas alicubi conetur irrum-
pere, mox illi resistant & occurrant. Operam
etiam

Ad Calen-
das Gra-
cas vide-
licet.

etiam dandam, ut in linguis & bonis artibus
recte iuuentus erudiatur. quia quidem in re
Protestantes nihil prætermittant diligentiae.
Nam in hoc esse totos, ut suis in gymnasii vi-
ri doceant, eruditione præstatae: atque ita fie-
ri, ut adolescentes plerique omnes ad ipsos
concurrent, imprimis autem genere nobiles,
qui cum literis vnâ religionem etiam illorum
imbibant, eaque corrupti, cæteros deinde con-
tagione sua lœdant & contaminent. Theologi
Protestantium, vbi hanc Cötareni orationem
scripto comprehensam legerunt, iniuriam si-
bifieri docent: & propter eruditionem homi-
nis, longè meliora sibi de illo promissæ di-
cunt. Principes Electores ad ea quæ Cæsar con-
suluerat, respondent, ut quæ conciliata sunt
ad Cœcilius tempus usque recipiantur, placere
sibi dicunt. Protestantes verò Cæsarem orant,
ut definita iam doctrinæ capita, sanctiat & do-
ceri iubeat. sic enim magis atque magis pate-
factum iri veritatem. Cæteri postea Princi-
pes, in quibus facile primum locum obtinebat
Episcopi, & his adjuncti Bauari fratres, & Hen-
ricus Brunsuicensis, quid ipsorum sit consilii
Cæsari separatum ostendunt: non sibi licere
assentiri, ut vlla fiat mutatio religionis atque
rituum, qui tot seculis valuerunt. Cæsar audi-
tis omnium sententiis iterum proponit: & or-
dine commemoratis omnibus, quia diffiniri
causa non possit, & verò præsens immineat

à Turca periculum non vno loco, multūmque iam tempus elapsum sit, actionem ad Concilium velle se referre dicit: & à Protestantibus petit, vt interim nihil tentent præter ea quæ sint à theologis conciliata. Deinde monet Episcopos & proceres Ecclesiasticos, vt rationem ineant, quibus Ecclesiam quisque suam reformat, quò videlicet aditus fiat ad publicam emendationem.

Legati Gallici casi. Galliæ Rex hoc durante conuentu, Cæsarem Fregosum Genuatem, Antonium Rinconem Hispanum, exullem, mittit ad Turcarum Cæsarem. Hi quum Padum nauigarent, ituri Venetas, capti sunt & trucidati, sub Calendas Iulii mensis. Ea res maximi belli causam postea dedit. Per legatum suum Rex ad Cæsarem de ea cæde queritur, qui mque non ferret quale voluit respōsum, satis prese tulit, bellum ex eo nasciturum esse. Fortè veniebat tum ex Hispaniis Georgius Austriacus, Maximiliani Cæsaris filius nothus, Archiepiscopus Valentinus, in Belgium redditurus. Is Lugduni comprehensus, in carcerem abducitur, vindicandi causa Fregosi & Rinconis. His ferè diebus Antonii Lotharingiæ Principis filius Franciscus, in matrimonium dicit Daniae Regis Christierni filiam Christinam viduam. Tulit hoc molestè Galliæ Rex, eoque magis, quòd anno superiori filia Lotharingi nupserat Auraicæ Principi Renato, qui totus à Cæfare pendebat.

Quo

Quo tempore Cæsar conuentus agebat Ratisbonæ, Ferdinandus Rex Budam obsidet & opBud: oppu
gnatur. pugnat, in qua tum erat Vayuodæ Ioānis vxor vidua, cum filio Stephano. Tutores autem infantis & regni proceres Turicum auxilium implorauerant. Legatum ergo Turca mittit cum copiis, quæ mense Iulio Budam venerunt, ipse deinde cum reliquo exercitu, non multo post eò venit. Itaque Ferdinandici reiekti, Germani, Bohemi, Moraui, relicta obfidence, & ingenti accepta clade, fuga salutem sibi querunt. Turci sub exitum Augusti munera mittit infanti Stephano, vestes auro textas, & equos valde speciosos, ac matri nuntiat cupere se puerum videre, petit ut in castra sibi mittat. Mulier perterrefacta, quum aliud non posset, hortatu procerum mittit vñà cum nutrice, comitatum turba nobilium. Ille perhumeriter excipit, & Reginæ consiliariis ostendit velle sibi Budam tradi, neque prius ad matrem Reginam missus est filius, quām re perfecta: & Transsylvania matri & filio cedit.

Peractis Ratisbonæ comitiis, Cæsar mox in Italia contendit, & Lucæ cum Pontifice colExpeditio
Cæs. in A
fricam. loquitur, interea dum in naues imponitur exercitus, quem ex Germanis, Italis, Hispanis iam antè collegerat. Quia verò iam suberat hyēs, deterrebat eum Pontifex à nauigatione. sed ipse licet de clade Pannonicā acceperat,

quo Turcas in diuersa parte destineret, omnino sibi proficiscendum esse duxit, & ad vigesimum tertium Octobris diem, Argieram appulit, vrbem Africæ maritimam. Quo die classem Cæsar applicuit, cælum erat serenū & placidum mare: tertio verò die coorta vehementior tempestas, & imbres effusissimi quum nō remitterent, administrationem belli totam impediuerunt: ita quidē, vt Cæsar amissis quām plurimis nauibus & tormentis & reliquo omni apparatu, infecta re discedere cogeretur. Cladis huius nuntius in Galliam delatus, non obscuram lætitiam excitauit. fremebant enim plerique propter casum Fregosi & Rinconis: iamque tempus adesse dicebant illos vlciscendi. Rebus malè gestis & amissa Buda, Ferdinandus Rex, ordinum suorum agit conuentus Pragæ, Bohemorum vrbe præcipua. Ibi demū inter alia proceres Austriaci, supplicem libellum Regi tradunt, in quo infelicem reipublicę statum, & suam propriè conditionem deplorant, qui tam vicinum habeant crudelissimum hostem Turcam, & eum quidem victorē. Itaque de remediiis cogitādum esse: imprimis autem, vt ira Dei mitigetur: quod nulla melioratione fieri potest, quām si Regis mādatu pūrē annuntietur verbum D'ei, & eius doceatur Euangelium. Quare obtestantur, vt decreti nuper facti beneficium illis permittatur: nec illis, qui formam religionis Ratisbonæ in comitiis

nuper

Austriaci
petūt doct.
Euang.

nuper conciliatam sequetur, vlla fiat molestia. Qui ad hunc modum supplicarunt Austriacæ nobilitatis & ordinum nomine, fuerunt ad vintiquatuor proceres: ciuitates autem decē, & in his Vienna, deinde finitimi Stirii & Carni. Ferdinandus ad ea respondet, dolere sibi vehementer quas patientur calamitates: nec se vñquam repugnasse, quò minus verbum Dei rectè doceretur, iuxta traditionem Apostolorum & interpretum, quos Ecclesia recepit & approbavit. Quamobrem ita sibi de ipsis iniucem polliceri, fore, vt conciliationem publicam, vel totius orbis, vel nationis Germanicæ Concilio obedienter expectent, nec aliquid mutent aut innouēt: sed in religione colenda, ceterisque præstandis officiis, patrum suorum sequantur vestigia: neque decretum Ratisbonense quicquam ad se pertinere putent. Illi rursus in eandem propè sententiam, paucis tamen, supplicant: & vt purus Dei cultus instituatur, neque veris Ecclesiæ ministris periculum creetur, orāt. nam alioqui non esse, quod vllam sibi de Turca victoriam polliceantur

Paulò sub hoc tempus mortem obiit Episcopus Numburgicus, in eiusque locum à collegio fuit adoptatus Iulius Pflugius, de quo diximus. Elector autē Saxoniæ Princeps, nō hoc licere collegio, nisi de suo consensu, contédebat, & reiecto Pflugio, Nicolaū Amstorffū, ex nobilitate theologum Wittembergicū, insti-

M. D
XLII.Conuentus
Spirenſis.Bucerus
Coloni.am
accerſtus.
Angliae
Rex iteris
aliꝝ vxore
capie ple-
dit.

tuit, inaugurate Luthero, mēse Ianuario: qui pōst eius rei libri edit lingua populari: & Pflugio, tanquam hosti pura doctrinæ, gregē Domini minimè esse cōmittendū docet. Accepta per Hungariam clade, conuentū Cæsar indicit ordinum Spiræ, per Ferdinādum Regē, & initium fieri mense Ianuario iubet. Vbi conuentum est, Ferdinandus Rex de more proponit, ac de Turca bene lōgum sermonem facit, qui per æstatē sit redditurus, vt non solū quod in Hungaria reliquum est capiat: verumetiam, vt Germaniæ finitimas prouincias omnes inuadat. His ita commemoratis, quid Austriaci, quid Hungari, quid Bohemi, & iis adiuncti populi, quid etiam suæ ditionis Ecclesiastici colatūr sint in hoc bellum, cōmemorat. A conuentu Ratisbonensi, Ioannes Gropperus Archiepiscopi Coloniensis legatus, domū reuersus, Bucerum mirificè commendabat: & inter omnes idoneum esse dicebat, cui religionis emendatio rectè cōmitti posset. nā esse cumpromis doctūm, & pacis amātem, & integræ vitæ. Episcopus ergo, qui iā antè nouislet Bucerū, & ipsius opera cogitaret vti, significat se cum ipso cupere loqui. Profectus eō Bucerus, huius anni mense Februario, perhumaniter fuit exceptus, imprimis à Gropperō. His etiam diebus Angliae Rex vxorem Catharinam Hauardam capite plectit, quod cūm eam pro virgine duxisset, anteā fuisse corruptam atque vi-

tiata

tiata cōperisset. Qui vitiarat, in Hiberniā con-
cesserat, vbi publici quid muneris habebat.
Renocatus autē ab illa iam Regina, & in fami-
lia adscriptus, capite mulctatus fuit post illā,
vt & alii quidam, partim ob idem flagitiū, par-
tim ob reticentiā. Ea sublata sextā Rex dicit,
Catharinam Parrā. Ad Spiræ conuētū, lega-
tionem Galliæ Rex misit, cuius erat princeps
Franciscus Oliuerius, Cancellarius Alenco-
nius, qui bene longa oratione Germanos à bel-
lo in Turcā suscipiēdo, cùm de eo deliberare-
tur, dehortatus est. Pontifex eò legatum mise-
rat Ioannē Moronū, Episcopū Mutinensem.
is de sentētia Pontificis rogatus à Ferdinādo,
respōdet Pōtificē suppeditaturū esse in bellū
Turcicū millia quinque peditū, si Cæsar ipse
militiae præsit. Sin autē, eius summæ dimidiū.
Quod spectat ad Concilium, magis ei probari
Mantua, aut Ferrariā, aut Bononiā, aut Placē-
tiā. veruntamē si hę minus placeāt, nō illū recu-
fare, quin Tridēti fiat, quōd sit ad Germaniæ
fines oppidū. Ferdinandus & cæteri Principes
pontificii & legati Cæsarī, gratias agūt: & pla-
cere sibi Tridentum affirmant. Protestantes
verò neque Concilium Pontificis, neque lo-
cum, neq; quod in decreto eius sit facta men-
tio, probāt, & contrā sentiūt. Galliæ Regis
legati quum nihil proficerent, & ordines in
bellum Turcicum inclinarēt, suāmq; presen-

tiam & ingratam esse viderent, atque suspe-
ctam Cæsarianis, ante finem comitiorum a-
beunt subirati. Vbi domum reuertissent, Rex
ilico belli suscepit cōsilium. Quoniam is erat
Germaniæ status, auxilia decreta fuerunt, &
exercitus comparari iussus, qui Ferdinandicis
copiis adiutus & auctus, vim Turcicam susti-
nere posset, & amissa recuperare. Summæ re-
rum præficitur de communi consilio, deque
Cæsar is etiam voluntate, Ioachimus Brande-
burgicus etiā Elector, qui Spira statim profe-
Simultas ctus ad viam sese parat. Ad idem ferè tempus,
interPrin. orta fuit magna per Saxoniam simultas, inter
Saxonię. Electorē Principem, & M auricium, qui patri
Hérico, nuper mortuo, successerat. Lis erat de
finibus & oppido quodam: & Pflugii causam
non obscurè probabat Mauricius, cōmendan-
tibus eum propinquis. Ad ciuale bellum res
omnino spectabat, nam ad arma conuocabant
vterque suos: verū Lantgrauii interuētu cō-
posita, quieuit. Initium fuit hoc offensionis in-
ter ipsos, quæ pōst aucta tempore, grauiissimū
Germaniae vulnus inflxit. Et Mauriciū qui-
dem mirabantur multi eō vehementiē pro-
gressum, vt cui tum ipse, tum parens, omnem
propè fortunam deberet, in eum tam acerba
cogitaret. Huc autem non parum attulisse mo-
menti putantur ex consiliariis nonnulli, qui
cum Georgio Principi fuissent admodum fa-
miliares, nec religionem amabant, nec Elec-
rem

remetiam. Interea Pontifex Calendis Iunii Conciliū indicit Tridenti, ad Calēdas Novembris: eoque venire iubet Patriarchas, Episcopos, Abbates, & id genus alios, quibus iure vel priuilegio Concilii interesse licet, ac sententiā dicere permisum est. Julio mēse Gallus Cœli rex atrocissimis verbis bellū Cæsari denūtiat, & edito libello suis liberū facit, ut quacūque ratione possint, terra marique prouincias illius deuastet. Paulò antè Longeuallus & Rossemus in Brabantiam inuaserant, magnūmque terrorē inferebant imparatis: & proximum erat ut Antuerpiam caperet atque Louanium: sed destituti rebus ad tormenta necessariis, & progressis, quacunque vaderent, omnia populantur, & pecuniam extorquent, & vi patefacta via, filio Regis Aureliano principi Carolo, qui Lucemburgicæ regioni bellum tunc faciebat, mensē Augusto sese coniungunt. In his copiis erant à Daniæ Rege missi equites ad quadrincentos. Præter Danuillerum, Virtonum Iucum, capta fuit etiam vrbs primaria Lucéburgum. Rex ipse diuersa parte bellum mouet, & valido cum exercitu profectus Parpianum, quod est ad Pyrenæos montes oppidum agri Ruscinonensis, obsidet. Sed & per Pedemontium arma iubet expediri, ductore Guilielmo Langeo, & in Atrebates atque Morinos impetum facit, Vendomio Principe rem administrante. Sic adeò quinque diuersis locis

hostem inuadit. Bellū Rex facturus, Polinum remisit ad Turcam, oratum ut in Prouinciam Galliam sibi classem mitteret. Quum autem aliquantò serius Polinus aduenisset, Solyman-

*Edicta in
Euangelii
cess.*

*Meti doc-
tur Euangeli-
gium.*

*G. Farell-
ius.*

nus rem in annum sequentem reiicit. Eo flagrante bello, Rex edita proponit in Luthe ranos. Parisiensis etiam senatus, graui constituta pœna denuntiat librariis, ne quos libros damnatos atque suspectos excudat, aut diuendant: & nominatim Ioannis Caluini librū, qui est de institutione religionis Christianæ. Dein de rogatu inquisitoris fidei, quem vocant, septimo Idus Iulii decernit, ut pro concione populus admoneatur, officiū suum ecclesiæ præstent, & si quem Lutheranum, aut de religione male sentientē norint, deferant. hoc enim esse Deo gratissimum. Ecclesiæ verò ministris prescripta fuit formula, quam in explorando se querentur. In hoc etiam tempore Meti doccebant Euangeliū vñus & alter ordinis Dominicanī. Quimque sacerdotū turba non obscurum odium præ se ferret, plarique ciues vehementer orabant Senatum, ne docētes impeditret, omnē obsequētiā professi. Venit etiam eò Guilielmus Farellus, qui primò quidem in vrbe priuatim, post in castello quodā foris docebat. Quum autē Cæsarī essent ad senatum allatæ literæ, quibus mandabat ne quid in religione mutarent, & vt in fontes vindicaret, interdictum ciuibus fuit, ne cuius interessent cō-

cioni

cioni, qui non Episcopi & tredecim virorum
mandatu doceret. Hac æstate locustarum in- Locustæ.
finita turba Germaniam & Italiam citeriorem
volando perusit. Erant autem inusitata magni-
tudine, & ubique sese demitterent: agros de-
pascebatur. De Henrico Brunsuicensi, de gra-
uiissimis illius in Saxonem atque Lantgraviū
inuestiis, deque incendiis excitatis, non se-
mel diximus. Quum autem Imperii ciuitates,
Goslariam & Brunsuicum Smalcaldici fœde-
ris, perpetuis rapinis atque excursionibus ve-
xaret, neque Cæsaris & Ferdinandi Regis pa-
reret editis, qui rogatu Protestantium, ut ab
omni vi temperaret, mandauerant, bellum ei
Saxo & Lantgrauius faciunt, communis socio-
rum nomine: & breui tempore suam in ditio-
nem, ipsius agrum omnem perducunt, & arcem
non procul ab urbe Brunsuico positam, Wol-
fsebutelum, in qua spem omnem collocauerat,
deditione capiunt. Ipse non diu commoratus,
aduentante iam hoste fuga sibi salutem petit. In
ea arce eoplures repertæ sunt literæ, quibus li-
quid doceri potest quid ipse, quid Bauari,
quid Moguntinus, quid Heldus, & alii nonnulli
conati sint. Protestantes edito scripto, sui facti
causas prolixè commemorant: & non intulisse,
verum necessariò defendisse bellum sociis illa-
tum, demonstrant. Ad Idus Iulias fuit alter Conuen-
Imperii conuentus Noribergæ. sic enim decre tus Nori-
berge.
tum fuerat Spiræ, propter bellum Hungaricū.
Proponit Ferdinandus, ac petit ne tēpore tam

necessario Principes & ordines imperii reipublicæ desint. Exitus comitii fuit ad vigesimum sextū Augusti diem. Pœna decernitur in eos, qui decreto comitii Spirenſis non obtemperant: simul alia quædam gerendo bello necessaria statuuntur. Principes nulli aderant, præterquam Prussiae magister Waltherus, Bambergensis, Eifetensis, & Tridentinus, Episcopi,
Card. Cō tum Cæsaris vicarii. *Dictum est antea de tareno.*

Cardinali Contareno. Is legatione sua non bonam iniit gratiam apud Pontificē & collegiū: quasi nō satis acriter Lutheranis sese opposuifset, & quasi rep. Romanā propè in discrimē ad duxisset. Quum absentē plarique grauiter accusarent, ab vno Fregoso Cardinali fuit defensus. In Italiam reuerlus, non multò pōst creatus est legatus Bononiæ: vbi demum hoc anno, sub exitum Augusti, mortuusest, non sine veneni suspicione, quum paulò antè Fregosus quoque mortem obiisisset. Qui familiariter illum nouerunt, de iustificatione hominis recte sensisse dicūt. fuit vir cum primis doctus: & extat eius de magistratibus atque republica Venetorū liber. Hoc ipso mense Galliæ Cancellarius Guilielmus Poetus, mandatu Regis, qui tum Parpinianum ibat, captus de nocte dū cubaret, in carcerem ducitur. Tertium hoc erat fortunæ ludibrium in Galliis, paucos intra menses exhibitum. Quum enim summum dignitatis gradum obtinerent, Admiralius, Connestablius

*Poetus
Cancellari-*

nestablius, Cancellarius, mutuis inuidiæ conflagrarent odiis. Siquidem Connestablius à restitutione Admirallii aula exesserat, & domi in glorijs priuata in vitam acceperat. Ad hoc tempus Otto Henricus Palatinus Euāgelii doctri nam amplectitur. Idem faciunt Hildessemēses. De Concilio Pontifex literas atque diploma statim ad Cæsarē miserat in Hispaniam. Cæsar ad ea vigesima quinta die Augusti respondet. Initio laudat eius conatum atque studium erga rem publicam: sed Galliæ regem sibi conferri dolet. hunc enim esse prodigum filium. se vero, qui nunquam ab officio deflexerit, multo arctius complectendum esse dicit. Si igitur afflictam rem publicam iuuare velit, debere ipsum ex officio se profiteri illius hostē, qui totius perturbationis & calamitatis est auctor, qui Turcam in rem publicam Christianam elicit & inuitat, qui nihil intentatum relinquit, ut ambitionem, & animum vindictę cupidissimum exatiare possit. Quū enim ad ipsum orbis Christiani præcipua cura pertineat, rē ipsam profectō postulare, ne diutius illum ita tumul tuari permittat: sed inimicum ei se se declareret.

LIBER X V.

Qum iam vndique bellum ferueret, Pontifex Augusti die vigesimo sexto legatos mittit, Cardinales pacificatores, Michalem Visensem Lusitanum ad Cæsa-

P.

Otto Pe-
latines.